

INUIT ATAQATIGIIT INATSISARTUNI



UPA16/63
29. april 2016
Hans Aronssen

Nammisornerlutik Oqartussat kommunillu Danmarkimi nunanilu allani kifartuussinernut atatillugu aningaasartuutigisartagaasa Naalakkersuisut UKA 2017-mut misissuinermik saqqummiussinissamik suliniuteqaqqullugit inatsisartut aalajangiiffigisassaattut siunnersuut. Misssuinermi aamma innersuussutit qanoq ililluni nunatsinni kifartuussinerit atorluarneqarnerusinnaanerit, taamaalilluni nunatta avataaniit kifartuussinerit annikillisarnissaat anguneqaqqullugu.
(Inatsisartunut ilaasortaq Anthon Frederiksen, Partii Naleraq).

Inuit ataqatigiinniik siunnersuuteqartumut qujalluta siunnersuut imaaattumik oqaaseqarfigissavarput.

Siunnersuuteqartup Anthon Frederiksenip soqutingalugit misissoqqusai soorlu tassaasut nunatta avataani siunnersortinut, sillimmasiinernut suliffeqarfiit Namminersorlutik Oqartussanit pigineqartut, Namminersorlutillu Oqartussani allaffissornermut aningaasartuutaat, Namminersorlutik Oqartussat nunatta avataanut suliakkiissutigisartagaat assigiinngitsut allallu soqutiginarportupilussuupput paasisaqarfigissallugit.

Soqutiginarportaaq Namminersorlutik oqartussat kommunillu pisiortortarnermut qanoq atuitigineri, kiisalu pisiortornermi nunatta iluani niuerfiit atorneqarpata sutigut inuiaqatigiinnut iluaqutissartai ajoqutissartailu ilanngullugit misissullaqquvagut.

Imminut pilersornerit suulluunniit misissorlugit ingerlarsoreertariaqalerpugut, nuna namminersortoq namminiilivinnissamullu pimoorullugu siunnerfeqartoq pisussaaffeqarpoq siunissami nunamut inuinullu najugaqartunut iluaqutaasussanik aallussinissaminut.

Nunatta iluani ingerlatsineq akisunerusoq taannarineqartarpoq, illuatungaanilu soqutiginarportunik paaserusutaqarpugut. Niuertarfiit sulisuilu nunatsinnut akileraartut pisiortorfigissangaanni inuiaqatigiinnut sutigut pissarsiaarfiusinnaappat.

Taamatut oqaaseqarluta naalakkersuisut allannguutissatut siunnersuutaat ilaannakortutut isigalugu itigartipparput.

Uanilu Anthon Frederiksenip siunnersuutaa taparserlugu ilassutigiumasagut ilanngullugit ataatsimiititaliami susassaqartumik suliarineqarnissaa innersuupparput.